

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0051221 24
Zenica, 29.01.2025. godine

OPĆINSKOM SUDU U VISOKOM
- Sudiji za prethodno saslušanje -

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, *p o d i ž e m*

O P T U Ž N I C U

Protiv osumnjičenog,

R.A., osuđivan presudom Općinskog suda u Visokom broj: ..., pravosnažna dana 24.11.2020. godine, zbog krivičnog djela iz člana 239. stav 3. KZ F BiH, na kaznu zatvora u trajanju od 2 (dva) mjeseca, uvjetno 1 (jedna) godina, presudom Općinskog suda u Visokom broj: ..., pravosnažna dana 12.02.2021. godine, zbog krivičnog djela iz člana 238. stav 1. KZ F BiH, na kaznu zatvora u trajanju od 1 (jedna) godina, uvjetno 1 (jedna) godina, presudom Općinskog suda u Visokom broj: ..., pravosnažna dana 04.12.2020. godine, zbog krivičnog djela iz člana 239. stav 3. KZ F BiH, na kaznu zatvora u trajanju od 1 (jedan) mjesec, uvjetno 1 (jedna) godina i presudom Općinskog suda u Visokom broj: ..., pravosnažna dana 09.09.2021. godine, zbog krivičnog djela iz člana 238. stav 1. KZ F BiH, na kaznu zatvora u trajanju od 1 (jedna) godina i 2 (dva) mjeseca, uvjetno 5 (pet) godina,

što je,

dana 06.12.2022. godine, na području općine B., suprotno odredbama člana 4. stav 1., 2, 3. i 5., a u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, u kući koja se nalazi na adresi S., neovlašteno radi prodaje držao jednu papirnu vrećicu bijele boje sa sadržajem bijele praškaste materije neto mase 0,138 grama, bijeli pvc paketić sa sadržajem svijetložute materije neto mase 8,003 grama, za koju materiju je vještačenjem utvrđeno da sadrži psihotropnu komponentu amfetamin koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, bijelu papirnu vrećicu sa sadržajem biljnog materijala zelene boje neto mase 0,350 grama i jednu metalnu drobilicu zlatno žute boje prečnika cca 4 cm sa tragovima biljnog materijala za koju materiju je vještačenjem utvrđeno da sadrži psihotropnu komponentu tetrahidrokanabinol (THC), u masenom udjelu većem od Zakonom propisanog te predstavlja opojnu drogu „Cannabis sativa L“, koja opojna droga je pod rednim brojem 13. Liste opojnih droga i 26. Liste psihotropnih tvari iz tabele I „Zabranjene tvari i biljke“ proglašena takvom, iako je bio svjestan da se radi o opojnoj drogi, te da držanje radi prodaje nije dopušteno, što je i htio, a koja opojna droga mu je pronađena prilikom realizacije Naredbe za pretresanje Općinskog suda u Visokom broj: ... od 02.12.2022. godine,

dakle, neovlašteno radi prodaje držao opojnu drogu,

čime je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH.